



Organisation der Arbeitswelt Medizinischer Masseure
Organizzazione del mondo di lavoro dei massaggiatori medicali
Organisaziun dal mund da lavur dals massaders medicinalis
Organisation du monde de travail des masseurs médicaux

Statuts

Approvads ils 29 da zercladur 2007



Organisation der Arbeitswelt Medizinischer Masseur
Organizzazione del mondo di lavoro dei massaggiatori medicali
Organisaziun dal mund da lavur dals massaders medicinal
Organisation du monde de travail des masseurs médicaux

Statuts

I. NUM, SEDIA, FINAMIRAS ED INCUMBENSAS

Art. 1 Num

Sut il num Organisaziun dal mund da lavur dals massaders medicinal (OdA-MM) exista ina uniun en il senn d'art. 60 ss. dal Cudesch civil svizzer (CCS).

L'Organisaziun dal mund da lavur dals massaders medicinal è in'organisaziun da tetg naziunala dals massaders medicinal svizzers en il champ da lavur da la terapia fisica ed ella s'enclegia sco organisaziun professiunala en il sector medicinal-terapeutich da la sanadad publica. La OdA-MM sa preschenta a las instituziuns ed organisaziuns dal champ professiunal sco istanza da contact cumpetenta sin plaun naziunal ed internaziunal. Ella è politicamain e confessiunalmain independenta.

Art. 2 Sedia

La sedia da l'organisaziun vegn definida da la suprastanza; l'administraziun vegn exequida en il lieu elegì da la suprastanza sco sedia.

Art. 3 Finamiras

La OdA-MM represchenta ils interess da la politica professiunala e da furmaziun dals massaders medicinal. Ella

- surpiglia la responsabladad e las incumbensas d'ina organisaziun dal mund da lavur (OdA) conform a la nova lescha davart la furmaziun professiunala e cooperescha activamain per realisar las finamiras
- s'engascha per unir las societads ed associaziuns professiunalas che servan als medems intents ed han las medemas finamiras. Ella represchenta quellas cun ina vusch vers anora e s'associescha, sche necessari, ad organisaziuns pli grondas da patruns e da lavurants
- promova la furmaziun professiunala en las instituziuns da scolaziun e da furmaziun tenor ils basegns dals patruns e dals lavurants
- è il partenari da discussiun principal dals uffizis naziunals en quai che riguarda la furmaziun professiunala en il sector da la sanadad publica

- integrescha represchentants dal champ professiunal dals massaders medicinalis per dumondas da la furmaziun professiunala
- stabilisescha standards naziunals per la furmaziun professiunala dal massader medicinal.

Art. 4 Incumbensas

Pertutgant las incumbensas strategicas surpiglia la OdA MM la responsabladad per tut las activitads ch'èn - per motivs da la politica da furmaziun e da professiun, per motivs economicis e/u organisatorics – d'exequir u da diriger sco organisaziun da tetg.

En dumondas da la furmaziun professiunala, en dumondas dal dretg da lavur e da la furmaziun e dal perfecziunament professiunal surpiglia la OdA-MM las suandantas incumbensas, ella

- cooperescha per la creaziun ed il svilup dal/s profil/s professiunal/s
- sustegna scolars ed instituts da scolaziun en dumondas da furmaziun
- relascha propostas areguard la creaziun da contracts da scolaziun e da lavur
- relascha in reglament dal personal
- fa propostas e contractivas da paja e da tariffas
- garantescha ina purschida da perfecziunament e da furmaziun supplementara d'auta qualitat
- realisescha standards en la pratica ed en la garanzia da qualitat
- collavura cun instituts da scolaziun, cun ils uffizis federals e chantunals e cun autras instituziuns da la sanadad publica
- sustegna mesiras per la promoziun da la nova generaziun
- organisescha e coordinescha occurrenzas da furmaziun
- represchenta ils interess dals commembers associads
- mantegna la survista da las professiuns da la sanadad publica, enconuscha ils basegns da la sanadad publica e las pretensiuns professiunalas, enconuscha ils svilups en la politica da furmaziun e da scolaziun.

Art. 5 Organisaziun senza profit

La OdA-MM n'ha nagina finamira da far in gudogn economic u commercial.

II. Commembranza

Art. 6 Categorias da commembers

La OdA-MM sa cumpona da las suandantas categorias da commembers:

- **Commembers activs**
Organisaziuns sco uniuns, associaziuns, societads spezializadas, organisaziuns da patruns, cuminanzas da lavur e d'interess dal champ da lavur dals massaders medicinals
- **Commembers passivs**
Ulteriuras personas giuridicas (autras organisaziuns)
- **Commembers fauturs**

Cun excepziun dals commembers fauturs pon vegnir recepidas sco commembers mo personas giuridicas.

Art. 7 Commembers activs

Ils commembers activs èn organisaziuns professionalas svizras che s'engaschan per dumondas da la politica da professiun e da furmaziun dals massaders medicinals.

La suprastanza definescha en ils statuts ils criteris per ils commembers activs. Ils commembers activs han il dretg da votar e d'eleger.

Art. 8 Commembers passivs

Commembers passivs èn personas giuridicas che sustegnan las finamiras da la OdA-MM sco cussegladers. Els n'han nagin dretg da votar e d'eleger.

Art. 9 Commembers fauturs

Commembers fauturs èn personas natiralas u giuridicas che sustegnan las finamiras da la OdA-MM cun ina contribuziun da fautur. Els n'han nagin dretg da votar e d'eleger.

Art. 10 Durada da la commemoranza

La commemoranza per commembers activs dura l'emprima giada 4 onns. Ella sa prolungescha automaticamain per in temp nundefinì cun in termin da visada da 6 mais per la fin d'in onn chalendar.

Art. 11 Perdita da la commemoranza

La commemoranza scada:

- entras visada
- entras schliaziun da la persuna giuridica
- entras exclusiun

La OdA-MM po excluder in commember senza inditgar ils motivs. In'exclusiun succeda surtut, sch'in commember n'ademplescha betg sias obligaziuns finanzialas, malgrà admoniziun, sch'el cuntrafa repetidamain als statuts u sch'el s'oppona a las decisiuns prendidas dals organs responsabels u sch'el achescha encunter las decisiuns prendidas dals organs cumpetents u ils interess da la OdA-MM.

Commembers extrads u exclus da la OdA-MM perdan tut ils dretgs ad avantatgs da l'associaziun ed ils dretgs ad ina ev. facultad da l'associaziun. En cas da l'exclusiun d'in commember restan però tut las obligaziuns dal commember valaivlas enfin la fin da l'onn da gestiun, durant il qual el è vegnì exclus.

III. ORGANS

Art. 12 Organs

Ils organs da la OdA-MM èn:

- la radunanza da delegads
- la suprastanza
- il revisurat

Art. 13 Radunanza da delegads

La radunanza da delegads è l'organ suprem da la OdA-MM.

Il dumber da delegads per commember è definì en in reglament separà (clav dals delegads)

Art. 14 Incumbensas

La radunanza da delegads ha oravant tut las suandantas incumbensas, ella

- approvescha il rapport da gestiun, il quint annual ed il preventiv
- elegia il president
- elegia ils commembers da suprastanza
- elegia il revisurat
- decida davart ulteriuras fatschentas tractandadas
- mida ils statuts
- excluda in commember sin proposta da la suprastanza
- decida davart la dissoluziun da l'uniun
- decida davart tut las outras fatschentas resalvadas a la radunanza da delegads entras la lescha ed ils statuts, u che vegnan suttamessas ad ella da la suprastanza per decisiun.

Art. 15 Procedura da convocaziun e da proposta

La radunanza da delegads vegn convocada da la suprastanza. Ella ha lieu sco radunanza da delegads ordinaria enfin il pli tard ils 30 da zercladur da mintg'onn.

Medemamain pon dus terzs dals delegads pretender ina radunanza da delegads cun inoltrar ina dumonda en scrit ed inditgar las tractandas.

L'invit e la glista da tractandas per la radunanza da delegads èn da suttametter almain 14 dis ordavant.

Sco tractandas e propostas d'elecziun inoltradas a dretg temp vegnan consideradas tut las tractandas e propostas d'elecziun formuladas a moda clera en tudestg ed inoltradas almain 30 dis avant la radunanza en scrit al president. Propostas per midadas dals statuts èn d'inoltrar 4 mais avant la radunanza. Per omadus termins vala il bul da posta da la consegna.

Dumondas inoltradas pli tard vegnan tractadas, sche la radunanza da delegads decida cun ina maioritad da dus terzs dals preschents d'entrar en la fatschenta.

Art. 16 Decisiuns

Mintga radunanza da delegads convocada a moda regulara è cumpetenta da decider, independentamain dal dumber da commembers preschents.

Las decisiuns vegnan prendidas cun la maioritad da las persunas cun dretg da votar preschentas. Exceptadas èn votaziuns davart midadas dals statuts (maioritad da 2/3) e la dissoluziun da l'associaziun (cf. art. 29).

La votaziuns e las tschernas vegnan fatgas avertamain, nun ch'ina maioritad dals delegads preschents cun dretg da vuschar pretendia in scrutini.

Mintga delegà ha ina vusch e na po betg far valair in dretg da vuschar represchendant u supplementar.

Las decisiuns da la radunanza da delegads vegnan fixadas en in protocol.

Art. 17 Presidi da la radunanza

Il president u ses substitut ha il presidi e maina la radunanza da delegads.

Il president ha il dretg da vuschar, en cas da paritad dat el la vusch da tagl.

IV. SUPRASTANZA

Art. 18 Cumposiziun

La supranza sa cumpona d'almain 3 commembers elegids da la radunanza da delegads.

Ella sa constituescha sezza (cun excepziun dal president, art. 14). La maioritad dals commembers da supranza duai sa cumponer da professionals (massaders medicinal).

Art. 19 Incumbensas da la supranza

La supranza regla ed exequescha tut las fatschentas da l'associaziun che na stattan betg en la cumpetenzza da la radunanza da delegads. Ella

- dirigia las fatschentas currentas e surveglia il secretariat
- represchenta la OdA-MM vers anora
- convochescha e prepara la radunanza da delegads
- prepara e propona las fatschentas da la radunanza da delegads
- fa il rapport annual, il quint annual, il preventiv
- fixescha las contribuziuns e las taxas
- exequescha las decisiuns da la radunanza da delegads
- incarichescha cumissiuns e gruppas da lavur
- prenda posiziun ed exprima ses parairi en dumondas generalas e politicas
- administrescha la facultad da l'associaziun
- relascha in reglament da supranza
- relascha tut ils reglaments da fatschenta necessaris e carnets da duairs
- incarichescha ed indemnescha la supranza, il secretariat e las cumissiuns
- tracta ed exequescha tut las fatschentas ch'ils statuts e reglaments n'han betg attribui explicitamain ad auters organs
- propona l'exclusiun da commembers per mauns da la radunanza da delegads

Art. 20 Durada d'uffizi

Il temp d'uffizi dura 4 onns, ina reelecziun è pussaivla.

Art. 21 Convocaziun e decisiun

La supranza sa raduna sin invit dal president u sche almain la mesadad dals commembers da supranza pretenda quai.

La supranza è cumpetenta da decider, sche almain la mesadad da ses commembers è preschenta.

Il president votescha medemamain, en cas da paritad dat el la vusch da tagl.

Il cader dal secretariat po vegnir envidà a las sedutas da supranza cun vusch consultativa.

Art. 22 Dretg da sutscriver

Ils commembers da supranza sutscrivan collectivamain en dus.

Per il solit èn quai il president ed in ulteriur commember da supranza (suttascripziun collectiva en dus)

V. REVISURAT

Art. 23 Elecziun dal revisurat

Il revisurat vegn elegì per ina durada d'uffizi dad in onn, ina reelecziun è pussaivla.

Art. 24 Incumbensas

Il revisurat rapporta en scrit a la supranza per mauns da la radunanza da delegads. Ella tschenta a la radunanza da delegads la dumonda d'approvar u refuser il quint annual e da dar la descharscha als organs.

VI SECRETARIAT

Art. 25 Cumposiziun

Per exequir las fatschentas da l'associaziun maina la OdA-MM in secretariat.

Art. 26 Incumbensas

La supranza relascha in reglament da lavur davart las incumbensas, ils dretgs e duairs dal secretariat. En quel èn medemamain fixadas las reglas davart las indemnisaziuns d'expensas e da viadis e las schurnadas dals collavuratur.

VI. FINANZAS

Art. 27 Cumposiziun

Ils meds finansials necessaris per ademplir l'activitad da l'Organisaziun dal mund da lavur dals massaders medicinal (OdA-MM) sa cumponan da:

- taxas d'entrada
- contribuziuns da commembranza (èn da pajar ordavant)
- contribuziuns da basa (relativas a projects) pon vegnir fixadas

- taxas
- retgavs da servetschs, mandats da prestaziun e contracts da cooperaziun
- contribuziuns en il rom da la lescha davart la furmaziun professiunala
- contribuziuns publicas
- regals e contribuziuns voluntaras, sponsoring, donaziuns e legats

Art. 28 Responsablidad

Per las obligaziuns da la OdA-MM stat bun unicamain la facultad da l'associaziun. La responsablidad persunala dals singuls commembers, saja quai persunas natiralas sco era giuridicas, è esclusa.

Art. 29 Onn da gestiun

L'onn da gestiun da la OdA-MM è identic cun l'onn chalendar.

VII. DISPOSIZIUNS FINALAS

Art. 30 Dissoluziun da l'associaziun

L'associaziun po vegnir schliada unicamain a chaschun d'ina radunanza da delegads ordinaria cun ina maiortad da trais quarts da las persunas cun dretg da vuschar preschentadas.

Art. 31 Facultad

Duess l'associaziun vegnir schliada u n'ha ella betg la finamira actuala pli, vegn la facultad repartida – suenter avair ademplì tut las obligaziuns – sin ils commembers tenor la medema clav dals pajaments da contribuziun, u remessa ad in'instituziun cun ils medems u sumegliants intents. La radunanza da delegads ha da decider en chausa.

Art. 32 Relaziun statuts/lescha

Sch'ils statuts preschents na cuntengan naginas autras regulaziuns, valan las disposiziuns d'art. 60 ss. CCS. Las disposiziuns legalas tenor art. 63 al. 2 CCS èn liantas.

Art. 33 Entrada en vigur

Ils novs statuts preschentads qua èn vegnids approvads dals delegads da las organisaziuns commembras da la OdA-MM ils 29 da zercladur 2007 a Pfäffikon/SZ e remplazzan quels dals 28-01-2005. Els entran en vigur il 1. da fanadur 2007.

Per interpretaziuns linguisticas vala il text tudestg!

Pfäffikon SZ, ils 29 da zercladur 2007

Sig.
Wolfgang Eisenhöfer
President OdA-MM

Sig.
Klaus Wagner
Vicepresident OdA-MM

Sig.
Unda Niedermann
Actuara